

Apelacioni sud Brčko distrikta Bosne i Hercegovine u vijeću sastavljenom od sudija Damjana Kaurinović, kao predsjednika vijeća i sudija Ruže Gligorević, Ilje Klaić, Srđana Nedić i Josipe Lucić, kao članova vijeća, u postupku ocjene usklađenosti pravnih akata Brčko distrikta Bosne i Hercegovine, postupajući po inicijativi M.T. iz B., koju zastupa punomoćnik Amer Ramić, advokat iz Brčkog, na osnovu člana 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10) i člana 10. stav 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti („Službeni glasnik Brčko distrikta BiH“, broj 45/10), na sjednici vijeća održanoj dana 25.10.2013. godine, d o n i o j e

R J E Š E N J E

ODBACUJE SE inicijativa za pokretanje postupka za ocjenu usklađenosti člana 2. tačka 2. podtačka 2.6. Organizacionog plana uprave Brčko distrikta Bosne i Hercegovine - Odjeljenja za komunalne poslove broj 01-014-23085/07 od 07.12.2007. godine i člana 1. Odluke o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove broj predmeta 05-000488/11 broj akta 08- 0269PLJ-01/11 od 04.04.2011. godine, sa odredbama člana 15. stav 1., člana 18. stav 1. i člana 67. stav 1. Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj 30/09) i odredbama člana 13. stav 2. Statuta Brčko distrikta Bosne i Hercegovine („Službeni glasnik Brčko distrikta BiH“, broj 2/10).

Obrazloženje

M.T. iz B., koju zastupa punomoćnik Amer Ramić, advokat iz Brčkog, podnijela je dana 20.05.2013. godine inicijativu za ocjenu usklađenosti člana 2. tačka 2. podtačka 2.6. Organizacionog plana uprave Brčko distrikta Bosne i Hercegovine - Odjeljenja za komunalne poslove broj 01-014-23085/07 od 07.12.2007. godine i člana 1. Odluke o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove broj predmeta 05-000488/11 broj akta 08- 0269PLJ-01/11 od 04.04.2011. godine, sa odredbama člana 15. stav 1., člana 18. stav 1. i člana 67. stav 1. Zakona o visokom obrazovanju u Brčko distriktu Bosne i Hercegovine („Službeni glasnik Brčko distrikta BiH“, broj 30/09) i odredbama člana 13. stav 2. Statuta Brčko distrikta Bosne i Hercegovine („Službeni glasnik Brčko distrikta BiH“, broj 2/10). Podnosilac inicijative ističe da se obraćao nadležnom odjeljenju Vlade Brčko distrikta BiH za dostavu ovjerenih prepisa predmetnih podzakonskih akata, ali su mu dostavljene samo kopije istih.

U toku prethodnog postupka utvrđeno je da je podnosilac inicijative već podnosila identičnu inicijativu, koja je rješenjem ovog suda broj 097-o-OUS-13-000001 od 10.04.2013. godine, odbačena, u skladu sa odredbama 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine („Službeni glasnik Brčko distrikta BiH“, broj 20/10), jer podnosilac inicijative nije u ostavljenom roku postupila po dopisu ovog Suda broj 097-o-OUS-

13-000001 od 06.02.2013. godine i dostavila ovjeren prepis akta čija se ocjena usklađenosti traži inicijativom.

Predmetna inicijativa i u ovom postupku, ponovo ne sadrži potrebne priloge propisane članom 31. Zakona o postupku ocjene usklađenosti pravnih akata Brčko distrikta Bosne i Hercegovine, odnosno nisu dostavljeni ovjereni prepisi pravnih akata čija se ocjena usklađenosti traži. Konkretno, dostavljena je neovjerena kopija Odluke o izmjenama i dopunama Organizacionog plana uprave Brčko distrikta Bosne i Hercegovine - Odjeljenja za komunalne poslove broj predmeta 05-000488/11 broj akta 08- 0269PLJ-01/11 od 04.04.2011. godine i kopije drugih nepotrebnih dokumenata, a da uopšte nije dostavljena čak ni kopija Organizacionog plana uprave Brčko distrikta Bosne i Hercegovine - Odjeljenja za komunalne poslove broj 01-014-23085/07 od 07.12.2007. godine, čija se ocjena usklađenosti traži.

Međutim, uz inicijativu su nepotrebno dostavljene kopije sledećih dokumenta: dio neimenovanog dokumenta, numerisanih strana od 403 do 413, Odluka o usvajanju organizacionih planova organa javne uprave Brčko distrikta BiH, broj 01-014-023089/07 od 07.12.2007. godine, Odluka o dopuni Odluke o usvajanju organizacionih planova organa javne uprave Brčko distrikta BiH, broj 01-014-023089/07 od 07.12.2007. godine, broj 01.1-05-00737/08 od 12.02.2008. godine, Odluka o izmjenama i dopunama Organizacionog plana Odjeljenja za komunalne poslove broj 01-014-023085/07 od 07.12.2007. godine, broj 01.1-05-030661/08 od 03.07.2008. godine, Odluka o izmjenama i dopunama Organizacionog plana Odjeljenja za komunalne poslove, broj 01-014-023085/07 od 07.12.2007. godine, broj 01.1-05-001942/09 od 20.01.2009. godine, Odluka o izmjenama i dopunama Organizacionog plana Odjeljenja za komunalne poslove broj 01-014-023085/07 od 07.12.2007. godine, broj 01.1-05-030755/09 od 25.09.2009. godine, Odluka o izmjenama i dopunama Organizacionog plana Odjeljenja za komunalne poslove broj 01-014-023085/07 od 07.12.2007. godine, broj 05.01.1-000012/10 od 05.01.2010. godine i Odluka o izmjenama i dopunama Organizacionog plana Odjeljenja za komunalne poslove broj 01-014-023085/07 od 07.12.2007. godine, broj 05.01.1-000136/10 od 27.01.2010. godine.

Obzirom na navedeno, dopisom ovog Suda broj 097-O-OUS-13-000006 od 09.10.2013. godine, pozvan je punomoćnik podnosioca inicijative da dostavi ovjerene prepise akata čiju ocjenu usklađenosti traži, uz napomenu, da ukoliko ne postupi po navedenim uputama inicijativa će biti odbačena u skladu sa članom 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine.

Podneskom od 22.10.2013. godine, punomoćnik podnosioca inicijative je odgovorio da se za dostavu ovjerenih prepisa predmetnih akata obraćao nadležnom Odjeljenju za komunalne poslove dopisima od 26.04.2013., 24.04.2013. i 18.03.2013. godine ali da mu traženo nije dostavljeno, zbog čega smatra da je objektivno nemoguće postupiti po navedenom dopisu ovog suda za otklanjanje nedostataka inicijative.

Imajući u vidu navedeno i činjenicu da je podnosilac inicijative dužan dostaviti ovjeren prepis akata koji nisu objavljeni u Službenom glasniku Brčko distrikta BiH, kako je propisano članom 31. stav 2. Zakona o postupku ocjene usklađenosti pravnih

akata Brčko distrikta Bosne i Hercegovine, po predmetnoj inicijativi nije moguće postupiti.

Cijeneći sve gore izneseno, na osnovu člana 18. stav 1. tačka c. Zakona o postupku ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti i člana 10. stav 2. Poslovnika o radu Apelacionog suda Brčko distrikta Bosne i Hercegovine u postupcima ocjene usklađenosti pravnih akata Brčko distrikta Bosne i Hercegovine i rješavanja sukoba nadležnosti, odlučeno je kao u dispozitivu rješenja.

BOSNA I HERCEGOVINA
APELACIONI SUD BRČKO DISTRIKTA
BOSNE I HERCEGOVINE
Broj: 097-o-OUS-13-000006
Brčko, 25.10.2013. godine

PREDSJEDNIK VIJEĆA

Damjan Kaurinović

Da je ovaj otpravak rješenja
saglasan sa izvornikom
tvrdi i ovjerava pisarnica Suda